

ՄԽԻԹԱՐ ԱՅՐԻՎԱՆԵՑՈՒ «ԳԱՆՁԱՐԱՆԸ»

Է. Զ. ՀԱՐՈՒԹՅՈՒՆՅԱՆ

Հայ մատենագրության նշանավոր դեմքերից է XIII դարի երկրորդ կեսի հեղինակ Մխիթար Այրիվանեցին: Նրա թողած գրական ժառանգությունը բովանդակում է պատմագրական-վարքագրական երկեր, ինչպես նաև Գանձեր (հոգևոր բանաստեղծություններ) և տաղեր: Հայագիտության մեջ փոքրի շատե գնահատվել են նրա պատմագրական երկերը, մինչդեռ չափաժողորժերը, ուշադրության արժանանալով հանդերձ¹, հատուկ քննության չեն ենթարկվել: Այրիվանեցու չափաժոն ժամանակին մի սմբողջություն է եղել, ստեղծվել է որպես հատուկ մի Գանձարան (հոգևոր բանաստեղծությունների հավաքածու) և խոշոր դեր է խաղացել նույնատիպ ժողովածուների դարգացման գործում:

Այրիվանեցու Գանձարանը ձեռք բերելու հատուկ նպատակով է, որ Գանձարան-ժողովածուների ձևավորման աշխատանքներին իրեն նվիրաբերած մատենագիր Գրիգոր Խլաթեցին 1387 թ. վասպուրականից ուղևորվում է Այրիվանք, գտնում է այն, ընդօրինակում և օգտագործում Գանձարանների իր նոր խմբագրություններում:

Պետք է նկատել, սակայն, որ ինչպես այդ նախնական Գանձարանը, այնպես էլ նրանից կատարված անմիջական ընդօրինակությունը մեղ չեն հասել: Ուստի, ձեռնամուխ լինելով Մխիթար Այրիվանեցու գանձագրությանը բնագավառում կատարած աշխատանքների ուսումնասիրմանը, մեր նպատակն է՝ միջնադարյան ձեռագրերում պահպանված ընդօրինակությունների, համապատասխան վկայությունների, ինչպես նաև եղած մասնագիտական պիտոլությունների և այլ նյութերի քննությամբ վերականգնել այդ անհայտ Գանձարանի մոտավոր պատկերը և դրանով իսկ պատկերացում ստեղծել նրա մեջ ընդգրկված ստեղծագործությունների վերաբերյալ:

Այս առումով որոշ հետաքրքրություն են ներկայացնում Մաշտոցի անվ. Մատենադարանի № 6529 ձեռագրի նյութերը, որոնց վրա ուշադրություն է հրավիրել Գ. Հովսեփյանը: Այդ ձեռագրում պահպանված են Գանձարանի բովանդակության ցանկը՝ համառոտակի նշումներով, Մխիթար Այրիվանեցու հորինած երգերից երկուսը, նրա չափաժո հիշատակարանը և Գրիգոր Խլաթեցու՝ Մխիթար Այրիվանեցու Գանձերին առնչվող մեկ չափաժո և երկու արձակ հիշատակարան-հիշատակադրությունները²: Պակասավոր է Գանձարանի

¹ Ա. Տևկանց, Հայերգ, Թիֆլիս, 1882, էջ Թ: Ղ. Ալիշան, Այրարատ, Վենետիկ, 1890, էջ 350—351: Գ. Հովսեփյան, Մխիթար Այրիվանեցի..., Երուսաղեմ, 1931: Զ. Քյուրտյան, Մխիթար Այրիվանեցի, «Բազմավեպ», Վենետիկ, 1933, էջ 38: Պ. Խատուրյան, Հայ միջնադարյան պատմական ողբեր, Երևան, 1969, էջ 68:

² Դրանք բոլորն էլ հրատարակված են Գ. Հովսեփյանի «Մխիթար Այրիվանեցի» աշխատության մեջ:

ցանկը՝ ձեռագրից մեկ թերթ ընկած լինելու պատճառով: Պահպանված մասերից տեղեկանում ենք, որ ձեռագիրը նախնական վիճակում պարունակել է շուրջ 100 միավոր Գանձեր, որոնց թվում եղել է նաև Մխիթար Այրիվանեցու Գանձերի հիմնական խումբը՝ այլ հեղինակների Գանձերի և տաղերի հետ միահյուսված:

Չնայած իր թերթ վիճակին, N 6529 ձեռագիրը մեզ համար ևս ունի ելակետային նշանակություն: Այստեղից ենք մենք քաղում այն վկայությունը, որ Մխիթար Այրիվանեցին 1286 թ. կազմել է իր Գանձարանը, իսկ նրանից 100 տարի անց, Գրիգոր Խլաթեցին Այրիվանեցում հանդիպել է այդ ձեռագրին: Ուշագրավ է նաև ձեռագրում պահպանված այն փաստը, ըստ որի Մխիթար Այրիվանեցու Գանձարանում եղել է 21 Գանձ և 2 երգ:

Ասվածից հասկանալի է, որ եթե հնարավոր լիներ որևէ եղանակով պարզել N 6529 ձեռագրի երբեմնի բովանդակության մանրամասնությունները, ապա կբացահայտվեր նաև Մխիթար Այրիվանեցու 1286 թ. հորինած Գանձարանի մոտավոր պատկերը:

Այդ նպատակով մեր կատարած որոնումները բաց արին Մխիթար Այրիվանեցու Գանձերի ու վերոհիշյալ ժողովածուի մասին պատկերացում կազմելու մի նոր ճանապարհ:

Ինչպես հայտնի է, Մխիթար Այրիվանեցին ևս սիրել է ծայրակապով գրելու արվեստը: Վաղուց են հայտնի այդ եղանակով գրած նրա մի շարք Գանձերը: Սակայն այժմ, նրա Գանձերի ուսումնասիրության ժամանակ բացահայտվեց մեկ այլ, առավել կարևոր օրինաչափություն: Պարզվեց, որ Մխիթար Այրիվանեցին իր Գանձերի հիմնական շարքը (15 զանգ) գրել է մի ընդհանուր ծայրակապով, որը կազմում է իմաստավոր և ամբողջական նախադասություն: Առանց չափազանցնելու կարելի է ասել, որ հեղինակն այդ եղանակով մեզ է կտակել իր Գանձերի և Գանձարանի ամբողջական պատկերը վերականգնելու բանալին:

Նրբ Գանձարաններից անջատում ենք Մխիթար Այրիվանեցու Գանձերը՝ հերթական հաջորդականությամբ, ապա ինքնին վերականգնված ենք գտնում նրանց ընդհանուր ծայրակապի մոտավոր պատկերը: Հարցի քննությանը օպնում են հատկապես այն Գանձարանները, որոնց մեջ Մխիթար Այրիվանեցու Գանձերի թիվը տատանվում է 12-ից 18-ի միջև:

Ծայրակապային նշված շղթան հանդիպում է հիմնականում երեք տարբերակով: Առաջինի լավագույն օրինակը N 4011 ձեռագիրն է (նրան են հարում N N 2736, 4976, 426, 424 Գանձարանները): Նրանում Մխիթար Այրիվանեցու Գանձերի շարքը ավելի նախնական է և վստահելի: Ճիշտ է, այստեղ էլ առկա են աղավաղումներ, որոնք մասամբ խախտում են ծայրակապերի իմաստը և շփոթություն մտցնում դանձարանակի հաշվի մեջ, սակայն դրանք վերականգնվում են մյուս ձեռագրերի օգնությամբ: Ահա Մխիթար Այրիվանեցու այդ ձեռագրի մեջ ցրվել է կած 17 Գանձերի ընդհանուր նախադասություն կազմող ծայրակապը (փակագծերի մեջ տալիս ենք աղավաղված բառերի ճշտումները)․

«(Տէ)ր Մխիթարա + վարդալսեօր + բայի երգել + հինգոտասան + բան քառոցի (քառոցից) + Աարիվանեցի (Այրիվանեցի) + Երամեցին (Երեւանեցին) + Մերգան + ցէտ իրով (հայցէ սիրով) + գլակասորդ + անունա-

ևան + վկայականաց + տց (տաւնից ասել) + խորհրդոցն (խորհրդոցն) + ի փապրս տեաջն (ի փառս տեառն) + վեշտասանք է + (եզնաւորք)³ + Սարգիս գրիչ:

Երրորդ խմբի մէջ են մտնում Մատենադարանի № 4844 Գանձարանը⁴ (նրան հարադատ են №№ 7785, 3540, 8251, 5521 Գանձարանները): Այստեղ Մխիթար Այրիվանեցու 17 Գանձերի ծայրակապերը հոգում են. «Տէր Մխիթ(արա) + (վարդ)այպետի + բայի երգել + հինգէտասան + վեշտասանք է + ի փառս տեառն + բան քառորդից + Այրիվանեցի + երևանեցին + հայցէ սիրով + զպկասորդի + տեւունական + վկ(ա)յականաց + տտացի (տաւնից ասել) + խորհրդոցն + եզնաւորք + Սարգիս գրիչ»:

Երրորդ խմբում է Մատենադարանի № 5785 Գանձարանը (այս խմբին են պատկանում №№ 428, 425, 5328, 429 ձեռագրերը): Այստեղ գտնվող 18 Գանձերի ծայրակապն է. «Ի փառսա տեառն (ի փառս տեառն) + վեշտասանք է + եզնաւորք + Սարգիս գրիչ + Տէր Մխիթարա + վարդայպետի + Բայի երգել (երգել) + հաստասան (հինգոտասան) + բան քառորդից⁵ + Այրիվանեցի + երևանեցին + մեր բան + հայցէ սիրով + զպկասորդի + տեւունական + վկայականաց + տաւցս անցալ (տաւնից ասել) + խորհրդոցն»:

Ինչպես տեսնում ենք, ծայրակապային այս երկու խմբերից առաջին կանոնավոր և տրամաբանական աւսք ունեցողը առաջին խումբն է: Այստեղ շարքը սկսվում է «Տէր Մխիթարա» ծայրակապն ունեցող Գանձով՝ նվիրված «Աստուածայայտնութեան ճրագալուցի» տոնին, որը տոնացույցի համաձայն ղլխավորում է Գանձերի տոնական շարքը: Դրա համապատասխան շարքի վերջին Գանձն էլ հոգում է «Ի փառս տեառն» բառերը և ամփոփում նախապատկան միտքը:

Փոքր ինչ այլ է պատկերը մյուս երկու խմբերում: Երրորդ խմբի առաջին շարքը ստեղծված է առաջին խմբի վերջին միավորների տեղաշարժումով, որի հետևանքով այն բառերը, որոնցով պետք է ավարտվեր նաև երրորդ խմբի ծայրակապային նախադասությունը, այստեղ հանդիսանում են սկիզբ: Երկրորդ խմբում նորից նույն հատվածն է տեղաշարժվում, այս անգամ փոքր-ինչ այլ ձևով. Հետեապես, անառարկելի է դառնում այն փաստը, որ երեք խմբերից հեղինակային բնագրին մոտ պետք է համարել առաջին խմբի ծայրակապային շղթան: Այս իրողությունն ավելի անտարակուսելի կդառնա ստորև, երբ կքննենք առաջին խմբի ձեռագրերը ներկայացնող № 4011 Գանձարանի այլ արժանիքները:

Արդ, ի՞նչ է ասում ծայրակապային այդ ընդհանուր նախադասությունը: Այն փաստորեն բաղկացած է երեք մասից, որոնցից առաջինում կարդում

³ «Եզնաւորք» ծայրակապով Գանձը № 4011 ձեռագրում պակասում է:

⁴ Այստեղ ընդօրինակված են նույն հեղինակի ևս երկու Գանձերը, որոնք. սակայն, ծիսական բնույթի են, ունեն «Տէր Մխիթար վ», «Տէր Մխիթարա» ծայրակապերը և չեն մտնում ծայրակապերի հիշյալ խմբի մէջ:

⁵ Մխիթար Այրիվանեցու «Ապաշխարութեան» Գանձը Գանձարաններում ունի «Մեր զան» անրացատրելի ծայրակապը: № 5785 Գանձարանի գրիչ կարապետ Բաղիշեցին փորձել է ճշտել ծայրակապի իմաստը: Այդ նպատակով նա «գրխումն» տեղակալ կազմող բառից առանձնացրել է «զ» տառը և գրել լուսանցրում, թողնելով «բխումն» բառը, որով ծայրակապը կարդացվում է՝ «մեր բան»: Նշված ծայրակապը հիշյալ խմբի Գանձարաններում հանդիպում է ընդօրինակված նաև շղթայի վերջում:

ունք. «Տէր Մխիթարա վարդապետի բայի երգելի ճիւղն առաջին բան լարողից»։ Ինչպէս հայտնի է, Ֆեոդուս Գանձարաններում Գանձերը կոչվել են նաև «քարոզ», «ճառ», «կանոն»։ Հետևապէս այս նախադասության մէջ եղող «քարոզ» բառը պետք է հասկանալ «Գանձ» իմաստով։ Ուստի, համաձայն այս հաղորդման, Մխիթար վարդապետը դրել է «Բայի», այն է՝ եղանակով 15 Գանձ։

Նախադասության երկրորդ մասի ծայրակապերը շարահարում են. «Այրիվանեցի-Երևանեցին հայցէ սիրով՝ զպակասորդ տերունական-վկայականաց առանց ասել, խորհրդոցն, ի փառս տեառն»։ Ավարտուն մի նախադասություն, որտեղ Մխիթար Այրիվանեցին, որ կոչվել է նաև Երևանեցի⁶, սիրով խնդրում է լրացնել տերունական, վկաների տոներին և այլ խորհուրդներին նվիրված Գանձերի պակասորդները։

Ծայրակապային նախադասության երրորդ հատվածն ասում է. «Վեշտասանք է, ձգնաւորք, Սարգիս գրիչ»⁷։ Դա արդեն թվում է ընդհանուր շարքին

⁶ Մխիթար Այրիվանեցու կենսագրությունից հայտնի չէ Երևան քաղաքի հետ կապված որևէ տեղեկություն։ Այս առումով «Բուն բարեկենդանին» Գանձի «Երևանեցին» ծայրակապունի բացառիկ նշանակությունը նորագույն շրջանի Գանձարաններում այն հանդիպում է «Երևանեցին», «Երևանեցին», «Երևանեցին», «Երևանեցին», իսկ Երուսաղեմի N° 231 Գանձարանում՝ նաև «Երևանեցին» ձևերով, որոնք առաջացել են Գանձի սխալ ընդօրինակումից, «Երևանեցին» ծայրակապը Մխիթարի «Սրբոց հայրապետացն երեք ժողովոյն» Գանձի «Այրիվանեցի» ծայրակապի հետ իր վրա է բեռնել ղեկն միջնադարյան գրիչների ուղղորդությունը։ Նրանք ընդունել են, որ երկու ծայրակապային անուններն էլ վերաբերում են Մխիթարին և Գանձերի խորագրերում վերջինիս կոչել են մերթ «Այրիվանեցի» մերթ «Երևանեցի», այս կապակցությամբ տողատակերում թողնելով նաև համապատասխան նշումներ։ Այսպէս, Մատենադարանի N° 7785 Գանձարանի «Բուն բարեկենդանին» Գանձի խորագրում կարդում ենք. «Բուն բարեկենդանին և աշուհացից կիրակիցն Մխիթար վարդապետի ասացեալ Երևանեցու» (թերթ 139ա), իսկ տողատակում կրկնելով նույնը, գրիչը Երևանեցին փոխարինել է Այրիվանեցիով. «... ասացեալ Այրիվանեցու» (թերթ 140ա)։ Փորձելով բացատրել նաև երկու անունների առնչությունը, ձեռագրերի գրիչները եկել են այն սխալ եզրակացության, որ «Երևանեցի» կամ «Երևանեցի» անունը ծագել է էրիվանք (նույն Այրիվանք) տեղանունից։ Նման միտք է արտահայտում, օրինակ Մատենադարանի N° 427 ձեռագրի «Բուն բարեկենդանին» Գանձի տողատակում գրչի կողմից արված հետևյալ նշումը. «Ո՛վ եղբայր, տան առաջն Երևանեցի է, որ է Այրիվանք» (թերթ 128ա)։ Երկու տեղանունների նույնացումից է ծագել և Գանձերի խորագրերում մուտք գործել այն սխալը, ըստ որի Մխիթարը եղել է նաև «Երևանի առաջնորդ»։

Մխիթար վարդապետի անվան առնչությունը Այրիվանեցի և Երևանեցի անունների հետ հետաքրքրել է բանասերներից Ղ. Այիշանին, որը, սակայն, հատուկ ուսումնասիրության նյութ չդարձնելով այն, որոշակի եզրակացության չի հանգել («Այրաբատ», էջ 355)։ Այս հարցը իր պարզաբանումը ստացավ Գանձերի ծայրակապային շղթայի բացահայտման միջոցով միայն։ Այն փաստը, որ ծայրակապային շարքում, հեղինակային գասակարգմամբ «Այրիվանեցի-Երևանեցին» հաջորդում են միմյանց և լրացնում ու ամրոգացնում են նախադասության միտքը, վկայում է, որ դրանք օգտագործված են իրրև առանձին անուններ։

«Այրիվանեցի» ծայրակապը Մխիթարի անունը կապում է Այրիվանքի հետ, ուր նա անց է կացրել իր կյանքի երկրորդ շրջանը՝ ընդհուպ մինչև վախճանվելը, իսկ «Երևանեցին» հավանաբար, մատնանշում է նրա ծննդավայրը՝ Երևանը։

⁷ «Վեշտասանք է», «ձգնաւորք», «Սարգիս գրիչ» ծայրակապերն ունեն իրենց առանձին բացատրությունը։ «Վեշտասանք է» ծայրակապով Գանձը նվիրված է Ամենայն սրբոց հայրապետաց տոներին։ Ծայրակապի բացատրությունը, հավանաբար, կապ ունի կրոնա-եկեղեցական որևէ հասկացության հետ։ Այս ենթադրության համար մեզ հիմք են տալիս Մխիթար

անհարիր, այնպես, ինչպես անհարիր է թվում երկրորդ հատվածի մեջ հանդիպող «Սեր դան» ծայրակապի իմաստը:

Հարց է առաջանում, արդյո՞ք նշված երեք հատվածները մի ամբողջություն են, թե այդտեղ առկա է երեք տարբեր միավոր: Այս հարցի լուծմանն օգնում է նախադասության առաջին հատվածը, ուր նշված է, որ շարքում առկա է «հինգոտասան բան քարոզից», այսինքն շարքը բաղկացած է 15 Գանձներից: Ըստ այդմ, առաջին հատվածի հետ կապվող Գանձերի քանակը հավասար պետք է լիներ 15-ի, մինչդեռ նրանց թիվը 5 է: Ուստի «հինգոտասան»-ը վերաբերում է ոչ թե առաջին հատվածին, այլ ամբողջին: Սակայն նշված բոլոր հատվածները մի ամբողջական նախադասություն համարելու դեպքում էլ Գանձերի ընդհանուր քանակը 15-ից հասնում է 18-ի: Ծիշտ է, դա համեմատաբար դյուրին կլիներ բացատրել, եթե հակասությունը լուրջ քանակի մեջ լիներ, որովհետև խոսքը վերաբերում է 3—4 Գանձի՝ այդ շարքին օտար լինելուն: Սակայն հետևելով նախադասության իմաստին, մենք ինքնաբերաբար տարակուսում ենք՝ իմաստային առումով նրա հետ շառնչվող հետևյալ չորս միավորների նկատմամբ. «Սեր դան», «ճգնաւորք», «վէշտասանք է», «Սարգիս գրիչ»: Դուրս թողնելով դրանք, ստանում ենք երկու հատվածներից կազմված մի լրիվ և ավարտուն պարբերություն, Բայց այստեղ էլ նկատելի է մեկ այլ խոչընդոտ. հեղինակը նշում է 15 Գանձ, մինչդեռ ստացվում է 14, պակասում է մեկ միավոր: Հավանական է, որ հենց այդ կասկածելի 4 Գանձներից մեկն է որոնելին: Բայց նրանցից և ոչ մեկի ծայրակապը ներկա վիճակով չի մերվում ընդհանուր նախադասությանը՝ առանց խաթա-

Այրիվանեցու մի ուրիշ Գանձի («Պետրոսի հայրապետին և Արիստղոմայ սարկավագին») հետևյալ տողերը.

Կարգեալ յաքոռին,

Դասւ պատրիարքին,

Թիւ վէշտասանին... (Մատ., ձև. № 4068, էջ 222ա):

Հայտնի է, որ «պատրիարք» բառը օգտագործվել է նաև «հայրապետ» իմաստով: Հայկազյան բառարանում կարդում ենք. «Պատրիարք... որ ի սուրբ գիրս թարգմանի հայրապետ»: Օրինակները վերցրած են նաև Մխիթար Այրիվանեցուց (սուրբ բառգիրք Հայկազեան լեզուի», Վենետիկ, 1837, էջ 624): Հետևապես, Մխիթար Այրիվանեցու Գանձի նշված տողերը, որ ցույց են տալիս հայրապետների դասի թիվը, մենք կարող ենք ընդունել որպես «վէշտասանք է» ծայրակապի բացատրություն:

«Ամենայն սրբոց ճգնաւորաց» Գանձի «ճգնաւորք» ծայրակապը շարաճարում է Գանձի տեղական անունը:

«Սարգիս գրիչ» ծայրակապը, որը կազմում է Վերոց առաքելոցն Պետրոսի և Պաղոսի Գանձը, հոգում է ուրիշ անուն: Դա տեղիք է տվել արդ շփոթմունքի: Գրիչներից ոմանք, Գանձարանների ցանկերում, որպես հեղինակ նշել են Սարգիս գրիչի: Նրկմտանք առաջացնող այս ծայրակապի բացատրությունը գտնում ենք Մաշտոցի անվ. Մատենադարանի № 7785 Գանձարանում: Այստեղ Գանձի խորագրում կարդում ենք. «Քարոզ Պետրոսի և Պաղոսի առաքելոցն Քրիստոսի աստուծոյ մերոյ, ասացեալ Մխիթար վարդապետի, ի խնդրոյ Սարգիս գրիչ»: Իսկ տողառակում գրչի կողմից ավելացված է.

Աւարեալ Մխիթար.

Ասացեալ Մխիթար.

Ոգեալ Մխիթար:

Հետևապես պարզվում է, որ ծայրակապը հոգում է խնդրատուի անունը: Կարծում ենք, որ դա այն Սարգիս գրիչն է, որը նկարել է Մխիթար Այրիվանեցու կազմած ինքնագիր «Ճառքնորի» լուսանցադարձերը:

յրելու նրա իմաստը Այդուամենայնիվ, անկախ այդ Գանձի ճշգրտումից, խընդիրը միանգամայն պարզ է. Մխիթար Այրիվանեցին մի ընդհանուր ծայրակայով գրել է 15 Գանձ, որոնք տեղադրված են եղել հատուկ հաջորդականությամբ և կազմել են մի ամբողջական շարք։ Սա հերավի, կարևոր նշանակություն ունեցող փաստ է, որը մեզ հաղորդում է հեղինակային տվյալներ նրա Գանձարանի վերաբերյալ։ Ուստի անհրաժեշտ է զբաղվել այդ փաստի և դրա հետ առնչվող հարցերի քննությամբ։

Ինչպես ցույց տվեց վերևում բերված ձևադրերի երեք խմբերի քննությունը, Մխիթար Այրիվանեցու Գանձերի ծայրակայային քննվող շղթան լավելի ամբողջական և համեմատաբար անաղարտ է առաջին խմբի ձևադրերում, որոնցից հնագույնը N° 4011 Գանձարանն է⁸։ Այս Գանձարանի քննությունը մեզ համար ստանում է կրկնակի նշանակություն, որովհետև այն նույնպես առնչվում է Գրիգորի խաթաների անվանը և N° 6529 ձևադրին հարադատ ընդօրինակություն է⁹։ Գանձարանում ընդգրկված են 8 հեղինակների (Մխիթար, Մկրտիչ, Յոհաննես, Խաչատուր, Գրիգոր, Մատթեոս, Գևորգ, Դավիթ) 100 Գանձեր։ Ձևադրի հիշատակարաններից մեկում կարգում ենք. «Բարեխաւսութեամբ սրբոյն Սարգրսի զաւրավարի և ամենայն սրբոց նահաւաւեութեամբ որ տստ կան հաւաքեալ, ողորմեա տէր զծողի սորա Գրիգորի»¹⁰։ Ենթադրում ենք, որ այդ Գրիգորը խաթաներն է։ Ձևադրի գրչության տեղն ու վավականը անհայտ է։ N° 6529 և N° 4011 ձևադրերի հարադատությունը առավել համոզիչ է դառնում, երբ ուշադրություն ենք դարձնում N° 4011 ձևադրի «կղբի 7 նյութերի վրա, որոնք ոչ այլ ինչ են, քան նույն միավորները՝ պահպանված N° 6529 ձևադրի բեկորում։ Դա ինքնին ենթադրել է տալիս, որ N° 4011 ձևադրի գանձարանային մասն էլ պետք է համապատասխաներ N° 6529 ձևադրի կորած գանձարանային մասին։ Այս կարծիքը լիովին հաստատվում է, երբ փորձում ենք առաջինի նյութերը համեմատել երկրորդից պահպանված ցանկի հետ։ Զուգահեռությամբ հետևողական են և համոզիչ։ N° 4011 և N° 6529 ձևադրերը համապատասխանում են միմյանց ինչպես բովանդակած նյութերով, այնպես էլ նրանց հաջորդականությամբ։ Նկատվող մասնակի շեղումները արդյունք են վնասվածքների, հեղտությամբ բացատրվում են և հիմք տալիս համոզվելու, որ այդ երկու ձևադրերը կամ ծագել են միմյանցից, կամ ունեցել ընդհանուր նախօրինակ։

Արդ, է՞րբ են տեղծվել այդ գանձարանները, նրանց մեջ պահպանված Գրիգորի խաթաների հիշատակարանից և հիշատակագրություններից, ինչպես նաև մյուս նյութերից երևում է, որ նշված ձևադրերը գրվել են 1399 թ. կամ այդ թվականից մեկ-երկու տարի հետո, որովհետև Գրիգորի խաթաների հիշատակարանի պատմական մասն ավարտվում է 1399 թ. դեպքերի նկարագրությամբ¹¹։ Սակայն, սուղծվելով 1399 թ. հետո, այդ ձևադրերն իբևնց բովան-

⁸ Գանձարանի նկարագրությունը տե՛ս «Յուդեական ձևադրաց Մաշտոցի անվ. Մատենադարանի», հատ. II, Երևան, 1970, էջ 1130։

⁹ Մեզանից առաջ այդ նկատել է նաև Ս. Մաթևոսյանը։

¹⁰ Մաշտոցի անվ. Մատենադարան, ձև. N° 4011, էջ 76ա։

¹¹ N° 6529 և 4011 ձևադրերի ժամանակի ճշգրտմանն աղետում է Մատենադարանի N° 3540 Գանձարանը, որի քննությունից պարզվեց հետևյալը։ Ձևադրերը իր խմբագրությամբ մոտենում է Գրիգորի խաթաների նշված Գանձարաններին, պարունակում է նրանց նյութերը՝ այդ թվում նաև Մխիթար Այրիվանեցու երկու երգերն ու հիշատակարանը, սակայն նրանց նկատ-

դակած նյութերով առնչվում են 1387 թ. Այրիվանքում Մխիթար Այրիվանեցու Գանձարանից Գրիգոր Խլաթեցու կատարած ընդօրինակությունը: Այս առումով նոր բացահայտվող փաստերի շնորհիվ մեծ նշանակություն են ստանում Խլաթեցու շափածո հիշատակարանն ու արձակ երկու հիշատակագրությունները: Չափածո հիշատակարանը սկզբում նվիրված է եղել միայն Մխիթար Այրիվանեցուն և Այրիվանքին, իսկ հետո, տարիներ անց շարունակվել է՝ ընդգրկելով նաև 1399 թ. վերաբերող ղեկաբերի նկարագրություն: Ուստի, առ այսօր որպես մեկ ամբողջություն գիտված այդ հիշատակարանը բաղկացած է երկու տարբեր մասերից: Սկզբի մասը, այսինքն բուն հիշատակարանը, ուր խոսվում է Այրիվանքի մասին, գրված է բավական սրտաբուխ, անմիջական տպավորությունների ազդեցությամբ, որպիսին կգրվեր ճանապարհորդությունից անմիջապես հետո և ոչ թե ղրանից 12 տարի անց: Ասկա շնարած հիշատակարանի երկու մասերը հաջողությամբ կապակցված են իրար, այնուամենայնիվ, առաջին մասի վերջին տողը ավարտվում է «ամէն» բառով, որը, ինչպես հայտնի է, նաև ավարտ է ազդարարում: Ի վերջո, լրացուցիչ մի փաստ է նաև այն, որ հիշատակարանի առաջին մասում Գրիգոր Խլաթեցին իրեն հիշատակում է աբեղայի աստիճանով, մինչդեռ նույն ձևագրում առկա հիշատակագրություններից վերջինում իրեն կոչում է վարդապետ, որպիսին էր նա հիշատակարանի երկրորդ մասի գրության ժամանակ: Այս նկատառումները համոզում են, որ հիշատակարանի առաջին մասը գրվել է 1387 թ.: Այրիվանքի ձևագրից կատարված ընդօրինակության վերջում, որտեղից և փոխանցվել է Հիշյալ N № 6529, 4011 Գանձարաններին: Այրիվանքի ընդօրինակությունից է փոխանցվել նաև Խլաթեցու հետևյալ հիշատակագրությունը. «Ի՛նչ դանձ կայ տէր Մխիթարայ Այրիվանեցոյն ի գիրքս և այս Ի՛ երգս նորակէրտ գրոց և պատկերաց սրբոց: ՁԼԾ»:

Որպես նախօրինակի տարրեր պետք է դիտել նաև Մխիթար Այրիվանեցու՝ այս Գանձարաններում պահպանված հիշատակարանը, երկու երգերը և, ուր ղխավորն է, Գանձերի հիմնական խումբը՝ հեղինակային դասակարգման պահպանմամբ:

Հետևապես N № 6529, 4011 Գանձարանները իրենց հիմքում ունենալով Մխիթար Այրիվանեցու կրած Գանձարանը, հնարավորություն են բնականում վերականգնելու դրա մոտավոր պատկերը:

Ի՞նչ կոնկրետ նյութեր է բովանդակել Մխիթար Այրիվանեցու Գանձարանը և ինչպիսին է եղել նրա կառուցվածքը՝ գանձարանային նյութերի համակարգի առումով: Գրիգոր Խլաթեցու վկայությունների համաձայն Մխիթար

մամբ ունի նաև շեղումներ: Դա վկայում է, որ ձևագրի գրիչ Հովհաննեսը իր տրամադրությամբ տակ ունեցել է երկու տարբեր Գանձարաններ, որոնցից մեկը հանդիսացել է Գրիգոր Խլաթեցու նշված խմբագրությունը: Հովհաննես Գրի հիշատակարանից պարզվում է, որ ձևագիրն ընդօրինակվել է Գրիգոր Խլաթեցու խմբագրությամբ. «... դրեցաւ սա ի գաւառիս ի վանքս Յիգնայ, ընդ հովանեաւ ամենազար Սուրբ Նշանիս... առ ոտս գերիմաստ և երանաշնորհ և արպիւնական հոնտորիս՝ Գրիգոր վարդապետիս, ի փոռս Քրիստոսի աստուծոյ» (թերթ 286ր), մինչդեռ մյուս երկուսի գրիչը Գրիգոր Խլաթեցին է: Եվ բանի որ N 3540 ձևագիրն ընդօրինակված է 1408 թ. և նախահիմք է ունեցել N № 6529, 4011 ձևագրերը, ուստի վերջիններս էլ գրված պետք է լինեն 1399—1408 թթ. արանքում: N 3540 ձևագրի նկարագրությունը տե՛ս «Ցուցակ ձևագրաց...» Ա, էջ 1037: Ձևագրի առաջին պրակը՝ թերթ 1—10, XVII դարի Տաղարանի մնացորդ է:

Այրիվանեցու Գանձարանը բաղկացած է եղել 21 Գանձից, 2 տաղից և հեղի-
նակալին շափածո հիշատակարանից¹²: Դրանց մեջ հիմնական կորիզն է Գան-
ձերի այն շարքը, որ շղթայված է մեկ ընդհանուր նախադասությոն կազմող
ժայռակապով: Այնպես որ այժմ հեշտությամբ կարողանում ենք ճանաչել
Մխիթար Այրիվանեցու 21 Գանձերից 14-ը, որոնց ծայրակապային այդ շղ-
թյան նրանց ներկայացնում է հետևյալ հաջորդականությամբ.

1. «Տէր Մխիթարա»—Գանձ Աստուածայայտնութեան ճրագալուցին:
2. «Վարդայակտի»—Գանձ Պետրոսի հայրապետին և Աբիսողոմայ
քարկաւագին:
3. «Բալիւ երգել»—Գանձ Անտոնի Անապատականի և այլ ճգնաւորաց:
4. «Հինգոտասան»—Գանձ ամենայն սրբոց թագաւորացն:
5. «Բան քարոզից»—Գանձ թարգմանչացն սրբոց Սահակայ և Մես-
սոբայ:
6. «Այրիվանեցի»—Գանձ սրբոց հայրապետացն երեք ժողովոյն:
7. «Երեւանեցին»—Գանձ բուն բարեկենդանին:
8. «Հայցէ սիրով»—Գանձ ծաղկազարդին:
9. «Զպակասորդք»—Գանձ աւագ հիգշաբաթին:
10. «Տերունական»—Գանձ թաղման ճրագալուցին:
11. «Վկայականաց»—Գանձ սրբոց կուսանացն Հռիփսիմեանց:
12. «Տաւնից տսել»—Գանձ որդոց և թոռանց սրբոյն Գրիգորի հայոց
հայրապետի:
13. «Խորհրդոցն»—Գանձ սրբոց մարգարէիցն:
14. «Ի փառս տեառն»—Գանձ ամենայն սրբոց կուսանացն:

¹² Մաշտոցի անվ. Մատենադարանում են պահվում Գրիգոր Խլաթեցու խմբագրած ինք-
նագիր չորս Գանձարաններ (N.N. 8366, 6529, 4011, 5328), որոնց մանրագին ուսումնա-
սիրությունից պարզվեց հետևյալը. Այրիվանք այցելելուց և Մխիթար Այրիվանեցու Գանձա-
րանը ձեռք բերելուց ղեկն շատ առաջ, Գրիգոր Խլաթեցին մեծ նշանակություն է տվել Մխի-
թար Այրիվանեցու Գանձերին, ձեռքի տակ ունեցել է նրանց աղավաղված օրինակները և դրանք
օգտագործել է Գանձարանների իր անդրանիկ խմբագրություններում: Սակայն, չբավարարվե-
րով Լեզաներով, Գանձերի ամբողջական օրինակներ ձեռք բերելու նպատակով, շարունակ
տենչացել է լինել Այրիվանքում, որը իրագործել է 1387 թ.: Դրանից հետո, մեծապես օգտա-
գործելով Մխիթար Այրիվանեցու ինքնագիր Գանձարանը, նա խմբագրել է նոր գանձարաններ:
Այսպիսով, ինչպես տեսնում ենք, Գրիգոր Խլաթեցու գանձարանային աշխատանքները անցել
են զարգացման երկու շրջան՝ մինչև 1387 թ. և դրանից հետո: Առաջին շրջանին է պատկանում
N. 8366 Գանձարանը, որը մեզ հայտնի է միակ օրինակով: Գանձարանի խճողուն, համեմա-
տաբար նախնական տեսքը, Մխիթար Այրիվանեցու այնտեղ գետնի վրա Գանձերի անճանա-
չելի աղավաղումները, պակասավոր բնագրերը, Գանձերի քիչ քանակը, ինչպես նաև Գանձա-
րանի հեղինակի՝ Գրիգոր Խլաթեցու իսկ Գանձերի թերավարտ վիճակը վկայում են, որ դա
Գրիգոր Խլաթեցու խմբագրած Գանձարաններից անդրանիկն է, որի ժամանակը պետք է որո-
շել 1361—1387 թթ. միջև:

Երկրորդ շրջանի՝ 1387 թ. հետո կատարված աշխատանքի արգասիք են N.N. 6529, 4011
և 5328 Գանձարանները: Ուշագրավ է, որ վերջիններս առաջացել են Մխիթար Այրիվանեցու
անհատական Գանձարանի և N. 8366 Գանձարանի նյութերի միաձուլումից, ավելացրած նաև
ժամանակակից մի քանի գանձագիրների (Մատթևոս Զուղայեցի, Գրիգոր Խլաթեցի, Առաքել)
ստեղծագործությունները: Երկրորդ շրջանի Գանձարանները, համարվելով լավագույն խմբա-
գրություններ, սկզբնավորում են նմանօրինակ ժողովածուների պարզացման բարձր՝ նորագույն
շրջանը:

Գանձերի այս խումբը ոչ թե Գանձերի խառը հավաքածու է, այլ տոնական կայուն դասավորություն ունեցող մի ամբողջական շարք: Այստեղ ևս, ինչպես և Տոնացույցում, տոնական շարքը սկսվում է «Աստվածահայտնութեան ճրագալուցին» տոնով, որին հաջորդում են մեկ միասնություն կազմող ծայրակապային շղթայի մյուս Գանձերը՝ շխախտելով տոնական կարգը¹³:

Այսպիսով, մեզ համար պարզ են դառնում Մխիթար Այրիվանեցու ինքնադիր Գանձարանի սկզբի 14 նյութերը, որին զխավորել է «Աստուածահայտնութեան ճրագալուցին» տոնը, Հայտնի է նաև Գանձարանի վերջին նյութը, դա նրա շախաժո հիշատակարանն է, որը նույնպես պահպանվել և հասել է մեզ:

Այժմ մնում է պարզել, թե որոնք են Մխիթար Այրիվանեցու Գանձարանի մյուս 7 Գանձերը, որոնցով նրանց քանակը կդառնար 21 և կհամապատասխաներ Գրիգոր Խլաթեցու հաղորդած տվյալներին:

Վերևում քննված ձեռագրային շարքերը մեզ, որպես այդպիսի միավորների ներկայացրին հետևյալ 4 Գանձերը.

1 (15) «Վէշտասանք է» — Գանձ ամենայն սրբոց հայրապետաց:

2 (16) «Ճգնաւորք» — Գանձ ամենայն սրբոց ճգնաւորաց:

3 (17) «Մերզան» — Գանձ վեցերորդ կիրակէին:

4 (18) «Սարգիս զրիշ» — Գանձ առաքելոցն Պետրոսի և Պողոսի, որոնք իրենց ընդգրկած տոներով կարծես կոչված են լրացնելու հիմնական խումբը և պատահական չէ, որ համարյա ամենուր հանդիպում են հիշյալ ծայրակապերով շարքի հետ միասին:

Այս Գանձերից բացի, սակավաթիվ Գանձարաններում հանդիպում են Մխիթար Այրիվանեցու վերևում նշված երեք նորահայտ Գանձերը.

5 (19) «Կիրակե» — Գանձ յարոթեան:

6 (20) «Տէր Մխիթար վ» — Գանձ երրորդ աւուրն զալըստեան հոգոյ և աւրհնութիւն ձիթոյ:

7 (21) «Տէր Մխիթարա» — Գանձ նորակերտ զրոց աւրհնելոց է:

Սրանցով ծայրակապերի ընդհանուր շարքից դուրս հայտնի Գանձերի թիվը դառնում է 7 միավոր, հետևաբար կարող ենք ասել, որ Գանձարաններում Մխիթար Այրիվանեցու անունով հայտնի Գանձերի թիվը հավասար է 21-ի և համապատասխանում է Գրիգոր Խլաթեցու հաղորդած տեղեկությանը:

Այժմ անդրադառնանք Մխիթար Այրիվանեցու Գանձարանի բնույթին, այն է՝ Գանձերի և տաղերի հարաբերությանը՝ գանձարանային համակարգի առումով:

Ինչպես հայտնի է, Գանձարան-ժողովածուներն իրենց վերջնական տեսքին ստանալուց առաջ անցել են զարգացման երկար ուղի: Հայտնի է միայն,

¹³ Ծայրակապային երկրորդ նախադասությունում հեղինակը հայտնում է, որ իր Գանձերի այդ խումբը չի ընդգրկում տերունական և վկաների, սրբերի բոլոր տոները և խնդրում է հաջորդներին լրացնել: Ուստի ձեռագրերում, Մխիթար Այրիվանեցու Գանձերի արանքներում, տոնական հաջորդականությամբ պետք է հայտնվեն նորանոր Գանձեր, շխախտելով, սակայն, Մխիթար Այրիվանեցու Գանձերի տոնական շարքը: Եվ իսկապես, մենք այդ տեսնում ենք նրանից հետո մեզ հասած թե՛ հին, թե՛ նոր շրջանի համարյա բոլոր Գանձարաններում: Համոզվելու համար բավական կլինեն հետևել N° 4011 ձեռագրում առկա Գանձերի խորագրերին, որոնք միմյանց են հաջորդում տոնական հետևյալ կարգով. «Աստվածայայտնութեան ճրագալուցին», «Առաջին աւուր ծննդեանն Քրիստոսի աստուծոյ մերոյ...» և այլն:

որ նախնական շրջանից հետո, Գրիգոր Խլաթեցու խմբագրությամբ ստեղծվեցին որոշակի համակարգ ունեցող Գանձարաններ: Այստեղ, որպես կանոն, նյութերը դասավորված են ըստ եկեղեցական տոնական կարգի, ամեն տոնի նվիրված է մեկ Գանձ, իսկ այդ Գանձին կցված է մի տաղ՝ իր հորդորակով, հաճախ էլ մեղեդիով:

Իսկ ինչպիսի՞ն է եղել Մխիթար Այրիվանեցու Գանձարանն այս առումով: Վերևում խոսվեց այն մասին, որ Մխիթար Այրիվանեցու Գանձարանում առկա է երկու երգ. դրանք երեք գանձարաններում (N° N° 6529, 4011, 3540) տեղ գտած օրհնության երգերն են¹⁴:

1. Տէր Մխիթարայ ասացեալ վասն պատկերաց սրբոց—Մին միածին հայր որդի... («Մխիթար»):

2. Նորին տեառն Մխիթարայ հոգեյի եւ բանիքսն վարդապետի ասացեալ վասն արհնութեան նորակերտ զրոց—Մեծապայծառ ցրնծութեամբ... («Մրխիթար»):

Սրանցից բացի, ձեռագրերից մեզ հայտնի դարձան նրան պատկանող ևս երկու տաղեր:

3. Տէր Մխիթարայ Այրիվանեցոյ— Արքայն երկնից խոնարհեալ... («Ա—Ք»):

4. Տաղ փոխման սուրբ աստուածածնի ի Մխիթար վարդապետէ—Սուրբ աստուածածնին կուսին...

Նշված տաղերը, սակայն, չունեն իրենց համապատասխան Գանձերը: Դա հիմք է տալիս համոզվելու, որ Մխիթար Այրիվանեցու Գանձարանը բաղկացած է եղել միմիայն Գանձերից, որոնք չեն ենթադրել տաղային միավորներ, զեթ այդ Գանձարանում, ինչպես որ տեսնում ենք Գրիգոր Խլաթեցու գանձարաններում: Ծայրակապը ցույց է տալիս, որ նրա մեջ ընդգրկված գանձերի արանքներում տաղեր չեն եղել, այլապես ծայրակապային նախադասությունն այլ կերպարանք կստանար: Եվ եթե այդ հիմնական շարքը տաղային միավորներ չի ունեցել, ապա այդպիսիք պետք է լինեին նաև մյուս Գանձերը, որոնք հանդիպում են առանձին-առանձին: Հետևապես Մխիթար Այրիվանեցու Գանձարանը բաղկացած է եղել լոկ Գանձերից: Գուցե նա ունեցել է հատուկ Տաղարա՞ն, կամ առանձին տաղե՞ր, որոնք պետք է օգտագործվեին իր Գանձարանի հետ միասին, այդ մասին սակայն, չունենք որևէ տեղեկություն:

Ինչ վերաբերում է այդ Գանձարանում գտնվող երկու տաղերին՝ «Վասն պատկերաց սրբոց» և «Վասն նորակերտ զրոց», ապա դրանք կարոտ են հատուկ բացատրության: Այրիվանեցու «Նորակերտ զիրք օրհնելոց» Գանձը (ձեռ. N° 4844) այլ ձեռագրերում (ձեռ. N° N° 6529, 4011 և 3540) ունի իր համապատասխան «Վասն արհնութեան նորակերտ զրոց» տաղը: Ուշագրավ է այն, որ այս նույն ծեսի համար «Մաշտոցներում» Մխիթար Այրիվանեցու անունով կա նաև «Աղօթք նորակերտ զիրք արհնելոց»¹⁵, որը համոզում է, թե Մխիթար Այրիվանեցին այդ երեք միավորները գրել է որպես մեկ ամբողջության մասեր:

¹⁴ Նշված երգերը N° 6529 ձեռագրի հիման վրա հրատարակել է Գ. Հովսեփյանը իր «Մխիթար Այրիվանեցի...» աշխատությունում, ներկայացնելով իբրև Գանձեր:

¹⁵ Մաշտոցի անվ. Մատենադարան, ձեռ. N° 3987, էջ 229ր:

Այսպիսով, կարելի է մտածել, որ Մխիթար Այրիվանեցին ունեցել է Գանձից և տաղից բաղկացած որոշ միավորներ, բայց ոչ թե տոնական-զանձարանային, այլ ծիսական-մաշտոցային բնույթի, իսկ դա ենթադրել է տալիս, որ Մխիթար Այրիվանեցու Գանձարանում պահպանված այդ տաղից բացի, ծիսական բնույթի մյուս տաղի («Վասն պատկերաց սրբոց») համար ևս կարող էր գրած լինել Գանձ, իսկ Գանձի («Աւրհնութիւն ձիթոյ») համար՝ տաղ, որ պիտիք, սակայն, մեզ հայտնի չեն։ Դրանք միաժամանակ հուշում են Մխիթար Այրիվանեցու ստեղծագործությունների մի ուրիշ խմբի հավանական գոյության մասին՝ գրված ծիսական արարողությունների համար։ Այդտեղ նա, ոստերեւոյթին, օգտագործել է և՛ Գանձ, և՛ տաղ, և՛ աղոթք։ Հնարավոր է, որ հետագայում երևան գան այդ երեւոյթը լուսաբանող նոր փաստեր։

Այսպիսով, տեսնում ենք, որ Մխիթար Այրիվանեցուց մեզ հայտնի 21 Գանձերի հիմնական խմբում եղել են տերունական, վկաներին և սրբերին նվիրված 19 Գանձեր, իսկ մյուս երկուսը ունեցել են ծիսական բնույթ։ Այդպիսի բնույթ են ունեցել նաև նշված երկու երգերը։ Ծիսական բնույթի Գանձերի և տաղերի առկայությունը Մխիթար Այրիվանեցու Գանձարանում, նրան տալիս է ինքնատիպ տեսք և այդ չորս միավորով յուրովի կապում «Մաշտոց» ժողովածուների և առհասարակ եկեղեցական ծիսարանների հետ։

Մխիթար Այրիվանեցու Գանձարանը պարունակել է միայն հեղինակի ստեղծագործությունները։ Այս կարծիքը հիմնավորող փաստ է Մխիթար Այրիվանեցու չափածո հիշատակարանը, որը պահպանված է հիշյալ նյութերի շարքում¹⁶։ Իսկ դա էլ վկայում է, որ իրոք, առկա է եղել ուրույն ձեռագիր՝ Մխիթար Այրիվանեցու Գանձերով, տաղերով և նշված հիշատակարանով։ Համոզվելու համար դիմենք հիշատակարանին, ուր հեղինակը նկարագրում է այդ ձեռնարկը ստեղծելու որոշ մանրամասնություններն ու դժվարությունները։

Ի յախտաժէտ ըստեանց նընշեալ.
Սպիտակ զինիս այս նոր յայտնեալ.
Տէր Մխիթար է հոգս անկեալ.
Պրտուղ-պրտուղ գայս հաւաքեալ.
ՅԱստուածաշունչ զրոց առեալ.
Եւ ի բանից սրբոց Բաղեալ.
Քան զգումարտակ ի մին շարեալ.
Եւ յեկեղեցոյ կուրն կախեալ.
Արդ, զո՛ւք, որզիք մաւրս այս ընտրեալ.
Ուք յետ մեր գայք յարկս այս սորբեալ.
Ձմեկ յիշեցէք ի յաղաւթել.
Գրելով գայս բաճես ի սրբագրել։ ՁԼԵ (1286)¹⁷։

Հիշատակարանի երեք ընդօրինակություններում էլ (ձեռ. № Ն՝ 4011, Ը529 և 3540) այն ունի խորագիր. «Նորին տեառն Մխիթարայ աւագեալ»։ Իսկ, հիշատակարանի առաջին տողերն անպայման հեղինակային խոսք են, որովհետև մեկ ուրիշ անձնավորություն, իր հեղինակավոր նախորդին գրվա-

¹⁶ Հիշատակարանը ընդօրինակված է նաև Բրիտանական թանգարանի № 54 Գանձարանում։

¹⁷ Մաշտոցի անվ. Մատենադարան, ձեռ. № 6529, էջ 4րդ։

տելիս, շէր օգտագործի «ախտաժէտ» (հիվանդոտ) բառը: Միջնադարյան հեղինակներն ինքներն էին իրենց կոչում ախտաժէտ, ապիկար և այլն:

Հիշատակարանում Մխիթար Այրիվանեցին գրում է իր հեղինակած Գանձերի ստեղծագործական դժվարությունների, Աստվածաշնչից և եկեղեցու հայրերի գործերից օգտվելու, առանձին ժողովածու կազմելու և այն եկեղեցուն նվիրաբերելու մասին: Ընթերցողի համար պարզ է դառնում նաև այն, որ հեղինակը խոսում է միայն իր ստեղծագործություններից բաղկացած Գանձարանի մասին: Ըստ այդմ հավաստի է դառնում, որ Մխիթար Այրիվանեցին անհատական Գանձարան-ժողովածուի հեղինակ է, իսկ Գանձարանն էլ իր թվագրությամբ («ՉԼԵ») հնուդուրսն է ըստ իրենց կառուցվածքով փոքր ի շատև հայտնի Գանձարաններից:

Այսպիսով, Մխիթար Այրիվանեցու Գանձերի ընդհանուր ծայրակապի բացահայտումը հնարավորություն է բնականում գտնելու այն հնագույն ձեռագիրը (N 4011), որտեղ համեմատաբար անաղարտ են պահպանվել նրա երբեմնի Գանձարանի նյութերը՝ հեղինակային դասակարգմամբ: Քննության համար հիմք ընդունելով հատկապես այդ Գանձարանը, ինչպես նաև Մխիթար Այրիվանեցու և Գրիգոր Խլաթեցու՝ նրա մեջ պահպանված վկայություն-հիշատակարանները, հնարավոր է դառնում վերականգնել Մխիթար Այրիվանեցու 1286 թ. ստեղծած անհատական Գանձարանի մոտավոր պատկերը, ինչպես նաև ճանաչել ու գտնել Մխիթար Այրիվանեցու վկայված 21 Գանձերը, 2 տաղերը և վերականգնել նրանց երբեմնի հաջորդականությունը՝ հեղինակային կորած ինքնագրում: Այս փաստերը հիմք են տալիս Գանձարանների հայտնի խմբագրությունների թվում ճանաչելու ևս մեկ խմբագրություն՝ Մխիթարի խմբագրությունը:

«ГАНДЗАРАН» МХИТАРА АЙРИВАНЕЦИ

Э. О. АРУТЮНЯН

(Резюме)

Мхитар Айриванеци является одним из видных средневековых армянских авторов XIII в., литературное творчество которого мало изучено. Он известен в арменоведении как историк, составитель и переписчик Гомиллария, а также автор духовных песен — гандзов. В 1286 г. им был составлен не дошедший до нас сборник песен — «Гандзаран».

В статье собраны воедино все гандзы Мхитара Айриванеци, из коих четырнадцать связаны между собой акростихами, составляющими предложение, содержащие ценные авторские данные о написанном им «Гандзаране» (сборнике гандзов). Выявлено еще семь принадлежащих Мхитару Айриванеци гандзов, которые вместе с упомянутыми четырнадцатью входят в составленный Мхитаром «Гандзаран». Показано, что древнейший рукописный образец, сохранившийся в сравнительно чистом виде гандзы Мхитара (рукопись Матенадарана № 4011), связан с именем автора XIV—XV вв. Григора Хлатеци, который переписал «Гандзаран» Мхитара и использовал его в своих произведениях.